

Matumuuna Inatsisartut Suleriaasianni § 33 najoqqutaralugu aalajangiiffigisassatut siunnersuummik tullinnguuttumik Naalakkersuisut saqqummiussaqaqput:

Nioqqutissanik nalunaaqutsersuisarnermut inatsisip allanngortinnissaa pillugu Inatsisip Inatsisillu allat assigiinngitsut, kiisalu Eqqartuussisaatsimut inatsisip, Bruxelles I-mut inatsisip inatsisillu allat assigiinngitsut allanngortinnissaat pillugit Inatsisit Kalaallit Nunaannut atuutsilernissaat pillugit peqqussutinik Namminersorlutik Oqartussat akuersissuteqarnissaat pillugu Inatsisartut aalajangiussinissaannut Siunnersuut (Inuussutissarsiornermut Aatsitassanullu Naalakkersuisoq)

Tunngavissiissut

Suliassaqaqarfimmi Danmarkimi malittarisassanut atuuttunut tamakkununnga nunatsinni malittarisassiat peqqussutinut allaqqaakkat saqqummiussat aqqutigalugit malinnaatinneqalissapput. Peqqussutinut siunertarineqartoq tassaavoq Danmarkimi, aamma naalagaaffinni allani inuutissarsiutinik ingerlataqartutulli taamatut annertussusilimmik taamatullu pisariunngitsigisumik patentiuutiminnik tigussaangitsutullu pisinnaatitaaffimminnik illersuinissaminnut nunatsinni inuutissarsiutinik ingerlatallit periarfissinneqarnissaat. Tigussaasuunngitsunut inatsisitigut suliassaqaqarfimmi naalakkersuisutissamik Naalakkersuisut ingerlatsinissaminnik kissaatigisaata piviusunngortinnissaanut tamanna ilaasutut pivoq, nunatsinni tigussaangitsunut pisinnaatitaaffiit illersornissaat nunatsinni inuussutissarsiorfiup ineriartortinnissaanut qitiusumik pingaaruteqarlutik.

Tunisassiaqqaanik inerteqqutaasumik kopeerisoqarlunilu peqquserlulluni allanngortiterisoqaraangat tamatigoortutut nunatsinni inuutissarsiutinik ingerlataqartunut ajortisaasuvoq. Taamaattumik inerteqqutaasumik kopeerisoqarlunilu peqquserlulluni allanngortiterisoqarnermut piaartumik sunniuteqarluartumillu iliuuserisat ingerlattarnissaat kissaatigineqarpoq. Kalaallit Nunaata, Danmarkip, aamma EU-p sinnerata, aammalu Kalaallit Nunaata, Danmarkip EU-llu sinnerata avataanni nunanik isumaqatigiissutit avataanniittut iluini nunatsinnit inuutissarsiornermik ingerlataqartut illersugaanermik angusaqarsinnaanissaannut peqqussutinut allaqqaakkat saqqummiussat periarfissiissapput.

Aalajangiiffigisassatut siunnersuummik matuminnga saqqummiussineq aamma nunatsinni inuutissarsiutinik ingerlatallit tamakku piaartumik sunniuteqarluartumillu iluseqartumik qularnaarnissaat pillugit Naalakkersuisut kissaatigisaattut isigineqassaaq, taamaalillutik atuisartunit atoruminartumik aallaavimmi nioqqutissanik nalunaarutsersuinerit il.il. nalunaarsuinerit ingerlanneqarsinnaassammata. Aammattaaq patentinik allagaatiminnik nalunaarsuinerminnut atatillugu nunatsinni inuutissarsiutinik ingerlataqartunut allannguutit sipaarutissanik ilalersuuteqarsinnaapput. Tamatumunnga aamma teknologiikkut ineriartornermut Kalaallit Nunaata

naleqqussarsimanissaa aalajangiisutut pingaaruteqartuuvoq. Taamaallilluni assersuutigalugu nioqqutinut nalunaaqutaasup ilusilersorneratigut nioqqutissap nalunaaqutaanik nalunaarsuinermit saqqummiunneqarnissaata piunasaqaataannginneranut, taamaallaalli naleqquttumik ilusilimmi teknologiikkut pissarsiarineqarsinnaasukkut saqqummiunneqarsinnaaneranut toqqammavissamik peqqussutinut allaqqaakkatigut saqqummiussatigut pilersitsisoqarpoq. Aammattaaq peqqussutinut allaqqaakkat saqqummiunneqartut taakku tamatigoortutut digitalikkut attaveqatigiinnermik tapersersuisunik aalajangersakkanik imaqarput.

Imarisai

Eqikkaanerni ilanngussani peqqussutit ataasiakkaat nassuiarneqarput, tassaasunut Nioqqutissanik nalunaaqutsersuisarnermut inatsisip allanngortinnissaa pillugu Inatsisip inatsisillu allat assigiinngitsut, kiisalu Eqqartuussisaatsimut inatsisip, Bruxelles I-mut inatsisip inatsisillu allat assigiinngitsut allanngortinnissaat pillugit Inatsisip Kalaallit Nunaannut atuutsilernissaannik kissaateqarfigisat. Peqqussutinut allaqqaakkat makku pineqarput:

- Kalaallit Nunaannut atuutsilernissaa pillugu Peqqussutip § 3-ip ilaani, Nioqqutissanik nalunaaqutsersuisarnermut inatsisip, ilusilersuisarnermut (designinut) inatsisip, patentinut inatsisip aamma atugassatut ilutsit pillugit inatsisip allanngortinnissaat pillugu Inatsip (Atortuutitsinermit immikkoortoqarfiliornikkut il.il. inerteqqutaasumik kopeerisarnermut iliuuserisaq nukittorsagaq)
- Kalaallit Nunaannut atuutsilernissaa pillugu Peqqussutip Inatsisip §§ 1-4-ianni, Nioqqutissanik nalunaaqutsersuisarnermut inatsisip inatsisillu allat assigiinngitsut allanngortinnissaat pillugit Inatsip (Atortuutitsinermit inerteqqutaasumillu kopeerisarnermut immikkut ittumik immikkoortoqarfiliornikkut inerteqqutaasumik kopeerisarnermut iliuuserisaq nukittorsagaq, kiisalu akitsuutinit isertitanik nuussisarnerit)
- Kalaallit Nunaannut atuutsilernissaa pillugu Peqqussutip §§ 3 aamma 4-iaani inatsisip allannguutaani, eqqartuussisaatsimut inatsisip, Bruxelles I-imut peqqussutip il.il. allat assigiinngitsut allanngortinnissaat pillugit Inatsip (Eqqartuusseqataasartutut suliaqartunut malittarisassiat allanngortinneri, najuuffimmi piginnaasaqarnermut isumaqatigiissutaasut piviusunngortinneri il.il.)
- Kalaallit Nunaannut atuutsilernissaa pillugu Peqqussutip inatsisaani §§ 1-4 , Nioqqutissanik nalunaaqutsersuisarnermut inatsisip inatsisillu allat assigiinngitsut allanngortinnissaat aamma ataatsimoorussanik nalunaaqutsersuisarnermut inatsisip atorunnaarsinnissaa pillugit Inatsip (Qinnuteqaatinik suliaqarnerit, nalunaarsuinermit aporfissat, nioqqutissanik nalunaaqutat assilineri, nioqqutissat ingerlaqqitsitassat, akitsuutinit isertitanik nuussisarnerit il.il.)

Allannguutininik qulaani allattugaasunit taakkunanit malitsigisatut allaqqaakkat pingaarnerit tamakku erseqqinnerusumik nassuiarnerinut ilanngussatut eqikkaanerit innersuutigineqarput.

Namminersorlutik Oqartussanut aningaasatigut kingunerisinnaasat

Peqqussutininut allaqqaakkat saqqummiussat taakku Namminersorlutik Oqartussanut annertuunik aningaasatigut kingunerisassanik nassataqarnissaat isumaqarfigineqanngilaq. Patentininut allagaatip il.il. (ataani immikkoortoq takuuk) saqqummiunnissaanut akitsuut akilerneqassaaq, taassumalu allaffissornikkut suliaqarnermut atasutut aningaasartuutit matussusissavai. Aammattaaq akitsuutininik akileeqqusisoqarfinni aqutsisoqarfiup suliaqarfigisaata iluani suliaasaqarfinnut allanut atasunik aningaasartuutit matussusernissaannut suliaasaqarfimmit akitsuutininik isertitanik Patent- og Varemærkestyrelsen (Patentininut Nioqqutissanillu nalunaaqutsersuisarnermut aqutsisoqarfiup) nuussisinnaneranut toqqammavissatut atortussanik allaqqaakkat saqqummiussat taakku imaqarput.

Inuussutissarsiorfimmuit il.il. aningaasatigut allaffissornikkullu kingunerisinnaasat

Patentininut allagaatip (atuaruk ataasiakkaanut tamanut) saqqummersitsinerit akitsuutininik tamakkiisunik koruuninik 2.000,00-nik nalilimmik peqqussutininut allaqqaakkat saqqummiussatigut eqqussisoqassaaq. Tamanna siusinnerusumut naleqqiullugu inuussutissarsiuutininik ingerlataqartunut sipaarutaavoq, tunngaviusumimmi akitsuummik tapiliutit akitsuummik ilalikkamik akiliisoqartussaasarsimavoq, 2.850 kr.-nik aamma 1.050 kr.-nik. Tigussaasutut pappialatut ilusilimmit digitalikkut ilusilimmut nuussisoqarneq pissutigalugu akitsuut appartinneqarpoq.

Tusarniaaneq

Siunnersuut piffissami 9. januaarimit 10. februar 2020 ukunani tusarniaassutaavoq: Kommuneqarfik Sermersooq, Kommune Kujalleq, Qeqqata Kommunia, Avannaata Kommunia, Kommune Qeqertalik, Sulisitsisut, Kalaallit Advokatit, Royal Greenland A/S, Royal Arctic Line A/S, Greenland Tourism A/S, Tele Greenland A/S, Air Greenland A/S, KNI A/S, A/S Boligselskabet INI A/S, Grønlandsbanken.

Aamma siunnersuut Namminersorlutik Oqartussat tusarniaanermut nittartagaanni piffissami 9. januaarimit 10. februaari 2020-mut tamanut ammasumik tusarniaassutaasimavoq.

Tusarniaanermut akissutit makkunanit takkupput: Kommuneqarfik Sermersooq, Kommune Kujalleq, Avannaata Kommunia, aamma Sulisitsisut. Tusarniaanermut atatillugu aalajangiiffigisassatut siunnersuummut oqaaseqaateqartoqanngilaq.

Inassuteqaat

Inatsisartut makku akuersissutigissagaat Naalakkersuisut inassutigissavaat,

- nioqqutissanik nalunaaqutsersuisarnermut inatsisip, ilusilersuisarnernut (designinut) inatsisip, patentininut inatsisip aamma atugassatut ilutsit pillugit inatsisip allangortinnissaat

pillugit inatsisit § 3-iata ilaani Kalaallit Nunaannut atuutsilernissaat pillugit peqqussutitut allaqqaakkat ilanngunneqartut Naalakkersuisut akuersissutigisinnaagaat (Atortuutitsinermik immikkoortoqarfiliornikkut il.il. inerteqqutaasumik kopeerisarnermut iliuuserisaq nukittorsagaq)

- nioqqutissanik nalunaaqutsersuisarnermut inatsisip inatsisillu allat assigiinngitsut allangortinnissaat pillugit inatsisit §§ 1-4-iaani Kalaallit Nunaannut atuutsilernissaat pillugit peqqussutitut allaqqaakkat ilanngunneqartut Naalakkersuisut akuersissutigisinnaagaat (Atortuutitsinermik inerteqqutaasumillu kopeerisarnermut immikkut ittumik immikkoortoqarfiliornikkut inerteqqutaasumik kopeerisarnermut iliuuserisaq nukittorsagaq, kiisalu akitsuutinit isertitanik nuussisarnerit)
- eqqartuussisaatsimut inatsisip, Bruxelles I-imut inatsisip inatsisillu peqqussutaani allat assigiinngitsut allangortinnissaat pillugit inatsisit §§ 3 aamma 4-iaanni Kalaallit Nunaannut atuutsilernissaat pillugit peqqussutitut allaqqaakkat ilanngunneqartut Naalakkersuisut akuersissutigisinnaagaat (Eqqartuusseqataasartutut suliaqartunut malittarisassiat allangortinneri, najuuffimmi piginnaasaqarnermut isumaqatigiissutaasut piviusunngortinneri il.il.)
- nioqqutissanik nalunaaqutsersuisarnermut inatsisip inatsisillu allat assigiinngitsut allangortinnissaat aamma ataatsimoorussanik nalunaaqutsersuisarnermut inatsisip atorunnaarsinnissaa pillugit inatsisit §§ 1-4-iaannni Kalaallit Nunaannut atuutsilernissaat pillugit peqqussutitut allaqqaakkat ilanngunneqartut Naalakkersuisut akuersissutigisinnaagaat (Qinnuteqaatinik suliaqarnerit, nalunaarsuinermi aporfissat, nioqqutissanik nalunaaqutat assilineri, nioqqutissat ingerlateqqitassat, akitsuutinit isertitanik nuussisarnerit il.il.)

Ilanngussat:

- 1) Kalaallit Nunaannut atuutsilersineq pillugu inatsisinut allannguutissanut eqikkaanerit makkuninnga:
 - nioqqutissanik nalunaaqutsersuisarnermut inatsisip, ilusilersuisarnernut (designinut) inatsisip, patentinut inatsisip aamma atugassatut ilutsit pillugit inatsisip allanngortinnissaat pillugit inatsisit (Atortuutitsinermik immikkoortoqarfiliornikkut il.il. inerteqqutaasumik kopeerisarnermut iliuuserisaq nukittorsagaq),
 - nioqqutissanik nalunaaqutsersuisarnermut inatsisip inatsisillu allat assigiinngitsut allanngortinnissaat pillugit inatsisit (Atortuutitsinermik inerteqqutaasumillu kopeerisarnermut immikkut ittumik immikkoortoqarfiliornikkut inerteqqutaasumik kopeerisarnermut iliuuserisaq nukittorsagaq, kiisalu akitsuutinit isertitanik nuussisarnerit),
 - eqqartuussisaatsimut inatsisip, Bruxelles I-imut inatsisip inatsisillu allat assigiinngitsut allanngortinnissaat pillugit inatsisit (Eqqartuusseqataasartutut suliaqartunut malittarisassiat allanngortinneri, najuuffimmi piginnaasaqarnermut isumaqatigiissutaasut piviusunngortinneri il.il.), aamma
 - nioqqutissanik nalunaaqutsersuisarnermut inatsisip inatsisillu allat assigiinngitsut allanngortinnissaat aamma ataatsimoorussanik nalunaaqutsersuisarnermut inatsisip atorunnaarsinnissaa pillugit inatsisit (Qinnuteqaatinik suliaqarnerit, nalunaarsuinermit aporfissat, nioqqutissanik nalunaaqutat assilineri, nioqqutissat ingerlateqqitassat, akitsuutinit isertitanik nuussisarnerit il.il.)
- 2) Peqqussutissamut allaqqaagaq Kalaallit Nunaannut atuutsilernissaa, inatsisip § 3-ip ilaanut, nioqqutissanik nalunaaqutsersuisarnermut inatsit, ilusilersuisarnernut (designinut) inatsit, patentinut inatsit aamma atugassatut ilutsit pillugit inatsit (Atortuutitsinermik immikkoortoqarfiliornikkut il.il. inerteqqutaasumik kopeerisarnermut iliuuserisaq nukittorsagaq)
- 3) Peqqussutissamut allaqqaagaq Kalaallit Nunaannut atuutsilernissaa, inatsisip §§ 1-4-nnut nioqqutissanik nalunaaqutsersuisarnermut inatsisip inatsisillu allat assigiinngitsut allanngortinnissaat pillugit inatsisit (Atortuutitsinermik inerteqqutaasumillu kopeerisarnermut immikkut ittumik immikkoortoqarfiliornikkut inerteqqutaasumik kopeerisarnermut iliuuserisaq nukittorsagaq, kiisalu akitsuutinit isertitanik nuussisarnerit)
- 4) Peqqussutissamut allaqqaagaq Kalaallit Nunaannut atuutilernissaa, inatsisip §§ 3 aamma 4-iaannut eqqartuussisaatsimut inatsisip, Bruxelles I-imut inatsisip inatsisillu peqqussutaanut il. II. allat assigiinngitsut allanngortinnissaat pillugit inatsisit (Eqqartuusseqataasartutut suliaqartunut malittarisassiat allanngortinneri, najuuffimmi piginnaasaqarnermut isumaqatigiissutaasut piviusunngortinneri il.il.)

- 5) Peqqussutissamut allaqqaagaq Kalaallit Nunanut atuutilernissaa, inatsisip §§ 1-4-iaannut, nioqqutissanik nalunaaqutsersuisarnermut inatsisip inatsisillu allat assigiinngitsut allangortinnissaat aamma ataatsimoorussanik nalunaaqutsersuisarnermut inatsisip atorunnaarsinnissaa pillugit inatsisit (Qinnuteqaatinik suliaqarnerit, nalunaarsuinermit aporfissat, nioqqutissanik nalunaaqutat assilineri, nioqqutissat ingerlateqqitassat, akitsuutinit isertitanik nuussisarnerit il.il.)